
UQAUHIITIGUT KAMISINA NUNAVUNMUT

**Nanminiriyamik Havaktiuyuq
Nunavunmi Maligaliurvingani**

Havaatigit Naunaitkutinga



Nunavunmi Maligaliurvinga

Novembermi, 2024

www.assembly.nu.ca

UQAUHITIGUT KAMISINAUYUQ NUNAVUNMUT

I. PIPKAITJUTIGIYUQ MALIGAIT, HUUQ PIYUQ MALIGAKHANGALU

April 1mi, 1999, Nunavut pihimaliqtaa *Ilitariyauyut Uqauhiit Maligaq* angiqtauhimagaluaqtut Nunatsiap Maligaliurvinganit. 2008mi, Nunavunmi Maligaliurvinga angiqtauyuq nutaamik *Ilitariyauyut Uqauhiit Maliganga* unalu *Inuit Uqauhinginnik Tammaqtailiniq Maligaq*

Angiqatigiikhimapluni ilangani 38mut kanatap *Nunavunmi Maliganganit*. Kavamatuqangit Kanatami Maligaliurvikuanga angiqtat tuniyauninnga nutaaq *Ilitariyauyut Uqauhiit Maliganga* Juunmi 2009¹.

Kihinngurlugu ilangani uiguani 12(7)(c), Nunavutip nutaaq *Uqauhiit Ilitariyauhimayut Maligaryuanga* atuliqhimayuq April 1, 2013-mi.

Tamna *Ilitariyauyut Uqauhiit Maliganga* unalu *Inuit Uqauhinginnik Tammaqtailiniq Maligaq* piliuqtaa Nunavuutim ilitariyauyut uqauhiit maligait. Maligat naunaiyaqtaat ilitariyauyut uqauhiit nunavunmit, piliuqhimayut havaariyakhat ilanganit avikturhimayut timiqutigiyangitaatlatlu kativiit tunigiami uqauhinginnik uqaqtukhat nunavuutim ilitariyauyut uqauhiinnik piliuriamilu qanuriliurutingit ikayuriami tammaqtailininngit atuliqtitauuinnginniklu Inuit Uqauhinginnik.

Havaanga Uqauhitigut Kamisinauyuq Nunavunmut piliurhimayuq angirutigiquplugu uumanilu ilangani 16 nutaap *Ilitariyauyut Uqauhiit Maligaq*.

Tamna nutaaq *Ilitariyauyut Uqauhiit Maliganga* pitquyauyuq Uqauhitigut Kamisinauyuq ukununnga “pilugit tamaita havaangit pitjutigiyangillu pitquyauhimayut Uqauhitigut Kamisinauyumut naunairiamti tahapkuat Ilitariyauyut Uqauhiit pilaarutingit, qanuritaakhaanik pilaarutilu ilitariyauyut, unalu havaangit piyut ilitariyauyunut uqauhiit havaariyauyut.”

Tamna Uqauhitigut Kamisinauyuq Nunavunmut piyuq Ihivriuqtiiyuq Ihuigiyauyunik, ikayuqtiiyuq, munaqtiiyuq munariyuqlu pitquitigiquvlu ukununnga Ilitariyauyut Uqauhiit pilaarutingit, ikayuutingit havaariyakhatlu Nunavunmi.

¹ July 1mi, 2012, tamna nutaaq *Ilitariyauyut Uqauhiitigut Maliganga* naunaighimanngittut huli piyut Nunavut Kavamatkunni. Tamna maliganga piyauyuq April 1, 1999mi, atuqtauliqtuq huli. Ilangit *Inuit Uqauhingit Tammaqtailiniq Maligaq* atuliqtitauyuq. Ukunuuna *Havatigut Naunaikutaq*, uqarhimayuq “nutaaq *Ilitariyauyut Uqauhiitigut Maliganga*” piyuq uumunnga maligamut piyauyuq April 1, 1999mit (R.S.N.W.T. 1988,c.O-1). Tamna uqarhimayuq “nutaaq *Ilitariyauyut Uqauhiitigut Maliganga*” piyuq maligamut angiqtauhimayut Nunavut Maligaliurvinganit 2008mit (S.Nu. 2008,c.10).

II. KIUTTAAQTUQ MALIGALIURVIKMUT MALIGATIGULLU TUHAQTIPKAITJUTIKHAT PIYAKHAT

Tamna Uqauhitigut Kamisinauyuq tikkuaqtauyuq ukunannaq Kamisinauyuq Nunavunmut pitquyauyunit Maligaliurvinga tallimanik ukiunik havaktukhaq. Tamna Uqauhitigut Kamisinauyuq havakpaktuq nakuuyumik piliqtillugu.

Tamna Atan'nguyanit Havaanginnullu Katimayiit uumannga Maligaliurvinga angiqpagait akikhangit manikhangillu tamaita inmikkuuqtut havaktiuyut Maligaliurvikmi. Tamna Atan'nguyanit Havaanginnullu Katimayiit angiqtaa havaariyanganik ihariagiayayumut Uqauhitigut Kamisinauyuq takuyakhaa Katimayiingit atauhqmi ukiumi tunigiami Havakvinga pitquyauhimayut manikhat unalu havaatigut havaakhangit qanikliliqtumut maniliurninnganut ukiunga. Qakunnguraangat, Atan'nguyanit Havaanginnullu Katimayiit ihumaalutiginiaqta pipkaitjutingit piyut aulapkaininnganut havakviuyut inmikkuuqtunut havaktiuyut pitqutigiquplugu ukunatitut kiinauyaliqitkut munariniq, havaktuliqiitkunni munariniq, kaantraliqiniq piliqniqu.

Titiraqhimagumi ilangani 24 haffumanit *Ilitariyauyut Uqauhiit Maliganga* uvaniilu ilangani 28.4 uumanit *Inuit Uqauhinginnik Tammaqtailiniq Maligaq*, una Uqauhitigut Kamisinauyuq tuniyukhaq Ukiumi taiguagakhat Maligaliurvikmut hulilukaarutingit Havavikmit uumanit Uqauhitigut Kamisinauyuq qangarnitanganik maniliurninnganut ukiunga, unalu naunaiqhimayuq qanuriliurninnga qanuritaakhaanganik ihivriuqtauyut piyut ukunannaq Uqauhitigut Kamisinauyuq. Ukiumi taiguagakhat piqarniaruknaqhiyuq atuquyauyunik himmautikhanginnik maligamut atlanullu piyut. Ukiumi taiguagakhat iliuraihimayuq Maligaliurvingami.

Angiqtinnagu *Kangirhitjutit*, Maligaliurviup Tikkuaqtauhimayut Katimayiit uumanit Munarininnga Kavamatkut Aulapkaitjutingit unalu Kavamatkunni Kiinauyaliqiniqmut (OGOPA) talavisikkuuhutik katimapkaivaktut Ukiumi taiguagakhat uumanit Uqauhitigut Kamisinauyuq. Katimapkaiviit katimapkaivaktut inuknik. Uqauhitigut Kamisinauyuq ihumagiyut ilauniaqtut ukunani Tikkuaqtauhimayut Katimayiit tuhatipkaigiami iluani ittut taiguagakhap kiugiamikniklu apirhuutinik inuknit uumanit Tikkuaqtauhimayut Katimayiit. Tikkuaqtauhimayut Katimayiit talvannga nanminiqmik taiguagakhaliuqtut Maligaliurvikmut.

III. IHUATQIYAUYUT KIUTTAARNINGIT

Hapkuat pitjutigingittut iluittumik titiraqhimaniq munariyanginnik uumanit Uqauhitigut Kamisinauyuq . Kihimi, hapkuat kiuttaarningit hivulliyut naunaitkutauyut talvani havaangit naunaiyainiaqtut ihivriuriami tamaita nakuuyumik uumanit inmikkuuqtuq havaktiuyut.

Tamna Iniqhimayut pipkaitjutauhimayullu naunaitkutat uumanit havaanga, munariyakhangit, atan'nguyat maligatigullu piyakhangit havaangani Uqauhitigut Kamisinauyuq hapkuanguyut *Ilitariyauyut Uqauhiit Maliganga, Ilitariyauyut Uqauhiit Maliganga* unalu *Inuit Uqauhinginnik Tammaqtailiniq Maligaq*

Maniliqinirmut Havaktikhaqhiuqtunullu Aulapkainirmut Havaangit

- Uqauhiitigut Kamisinaup kiuyakhaa qayagiyumik munariniq Havakviup kiinauyaliqiitkut havaktuliqiitkullu angiqatigiiktumik ihuatqiyauyumik maligatigut piyunnautinik, unalu *Kiinauyaliqinirmut Titiqqiqinirmullu Maliganga, Kavamatkut Kaantraliqinirmut Maligakhat* unalu *Kavamatkut Maligaq*
- Uqauhiitigut Kamisinaup kiuyakhaa piliurninnganut tukhirautit Havakviup ukumi manikhat unalu havaatigut havaakhangit uumunga Atan'nguyanit Havaanginnullu Katimayiit uumanit Maligaliurvinga ihumagiyakhanginnik. Uqauhiitigut Kamisinaup kiuyakhaa naunaiqtakhaa iluani ittut uumanit ukumi havaatigut havaakhangit paarutigiyakhangit piluguluuniit pitquyauhimayut piliurhimayut maligami kituniliqaaklu maliktakhat ihumaalutigiyauyut uumannga Atan'nguyanit Havaanginnullu Katimayiit, ukuatlu, kihimi kikliqaangittut ukununnga:
 - Naunaittaqhimayuq titiraq Havakviup aulapkaiyuuhimayunit, maligatigut havaariyakhat ilitariyauyullu uuktuutingit;
 - Naunaittaqhimayuq titiraq Havakviup tikinnahuarutingit piyakhangillu tikiliqtup maniliurninnganut ukiunga;
 - Naunaittaqhimayuq titiraq Havakviup maligaq pigiami tikinnahuarutingit piyakhangillu; unalu
 - Naunairhimayuq tunngavingit Havavikmut pitquyauhimayut manikhat, apiriyaulyu ihuarhaqhimayunut ikayuutit.
- Uqauhiitigut Kamisinaup kiuyakhaa piliurninnganut tuniqhaininnganullu Havakviup maligatigut ihariagiyauyut Ukumi taiguagakhat Maligaliurvikmut talvunngauyukhaq ihuatqiyauyumut

Tikkuaqtauhimayut Katimayiit uumani Maligaliurvinga pigiami iluani ittut. Uqauhiitigut Kamisinaup kiuyakhaa naunaiqtakhaa iluani ittut uumani Ukumi taiguagakhat paarutigiyut qaanganiittumikluuniit piyakhangit piliurhimayut maligami kitunilu maliktakhat ihumaalutigiyauyut ukunanit Atan'ngyanit Havaanginnullu Katimayiit, ukuatlu, kihimi kikliqarhimanngittut ukununa:

- Naunairhimayuq maniliqiniq uumani piluni Havavikmit unalu piiqlugu havaanik uumani Uqauhitigut Kamisinauyuq pitilluni maniliurninnganut ukiunga, qanuritaakhaaniklu ihivriuqtauyut ukunannga Uqauhiitigut Kamisinaup²;
- Naunairhimayuq maniliqiniq uumani akiliutiit Havavikmit pitilluni maniliurninnganut ukiunga;
- Naunairhimayuq maniliqiniq Havaviuup nakuuyumik paarutigami tikinnahuarutingit piyakhangillu atauhiqmi ukiumi havaatigut havaakhangit piyumut maniliurninnganut ukiunga; unalu
- Ihivriuqniq uumani nakuuninnga pipkaitjutihimayumik pilaarutit atuqtamiknik havaangillu piyangit Uqauhiitigut Kamisinamit, himmiqtakhanginniklu Uqauhiitigut Kamisinaup ihumagigumiuk taimaatut ihuarhiluguluuniit malikluni nunavuutim ilitariyauyut uqauhiit maligait.
- Uqauhiitigut Kamisinaup kiuyakhaa tunigiami hivuliqiuniq havaktunut Havavikmit taimaatut ikayuutauyuq pipkaitjutinnganik havaviuup maliktakhangit.
- Uqauhiitigut Kamisinaup kiuyakhaa naunaiyariami havaktut havaanginnik ihuarhailunilu ihuarhitjutimik ihumaalutigiyauyunik.

Ihvriurutit Nutqaqtitjutingillu

- Uiguat 26-mit 36-mut haffumanı *Ilitariyauyut Uqauhiit Maliganga* unalu uiguanni 31-37 haffumanı *Inuit Uqauhinginnik Tammaqtailiniq Maligaq* pitquyait piyunnautingit havaangillu uumanı Uqauhitigut Kamisinauyuq piyut havaamiknut ihivriuqtauyinginnit.
- Uqauhiitigut Kamisinaup kiuyakhaa naunaiqtakhaa Havavik piliuqtuq maligat, apirhuutit, pitquyautingit havaangillu ihariagiyaayut havagiami ihivriuqtauyinginnik Titiraqhimagumi nunavuutim ilitariyauyut uqauhiit maligait.

² Takulugu Naunairvik B piksanik naunaipkaitjutinik pihimayut uumanı.

- Uqauhiitigut Kamisinaup kiuyakhaa naunaiqtakhaa Havavik piliuqtut tuniqhaiyullu naunaitkutanik ihariagiayayut ilauyunut inuknullu kangirhigiamiknik havaariyangit pigiami havakvinganut uumanu Uqauhitigut Kamisinauyuq ihivriuriamiknik ahiruqtitanganik nunavuutim ilitariyayut uqauhiit maligait.
- Uqauhiitigut Kamisinaup kiuyakhaa naunaiqtakhaa Havavik pivaktut ihuatqiayayunik maligatigut ikayuutikhanik piyuq havaanga ihivriuqtauyunik, unalu piplutiklu uqautjiutinik piyut havakviup pipkaitjutigiyanginnik kitunut.
- Uqauhiitigut Kamisinaup kiuyakhaa naunaiqtakhaa ihivriuqtauyut havavikmit piyut tuniyauhimayunit maligatigut kikliqarvinginnik.
- Uqauhiitigut Kamisinaup kiuyakhaa naunaiqtakhaa Havavik malikpagait maligatingit Maligaliurvikmut unalu Nunavunmi Apirhuiyiit pitquiquplugu Uqauhiitigut Kamisinaup aturninnga piyunnautingit havaanginnut ihivriuqtiuyut.
- Uqauhiitigut Kamisinaup kiuyakhaa naunaiqtakhaa kitut ihivriuqninngit taiguagakhat upalungaiyahrhimayut ihivriuqninngit taiguagakhaliurhimayut havavikmit tuniyayut Maligaliurvikmut ihuarhaqhimayumik, talvunngauyukhaq ihuatqiayayumut Tikkuaqtauhimayut Katimayiit uumanu Maligaliurvinga pigiami iluani ittunik.
- Uqauhiitigut Kamisinaup kiuyakhaa piliuriami nutqaqtitaunahuarniqmut pipkaitjutingit atlatlu atuqtakhat aatjikutariyut ukununnga *Inuit Qaujimajatuqangit*, atuqluni hapkuninnga atuqtakhanginnik ihuatqiaq ihuarhigami ihumaalutigiyayut ukununnga qanuqtut havaariyaanik maligainnut, maligangut ukunanulluuniit atuinnaqtamiknik uqauhimut havaariyakhat.

Inuknut Naunaipkainiq, Ikayuutautingit Uqautjiutinginniklu

- Uqauhiitigut Kamisinaup kiuyakhaa naunaiqtakhaa Havavik piliuqpaktut tuniqhaiplutiklu naunaitkutat inuknut ihumaalutigiyut pilaarutinginnik nunavunmi ittumi ilitariyayut uqauhiit maligait unalu havaariya Havavik uumanu Uqauhitigut Kamisinauyuq .

- Uqauhiitigut Kamisinaup kiuyakhaa naunaiqtakhaa Havavik uumanit Uqauhitigut Kamisinauyuq pihimayukhaq nutaanguyunik qaritauyami ittukhanik naunaitkutanik una Ukumi taiguagakhat Uqauhitigut Kamisinauyuq , ihuaqtut apirhuutingit atuqtakhat inuknut atlanullu naunaitkutat piyut uumunnga havaariaya Havakviup.
- Uqauhiitigut Kamisinaup kiuyakhaa tunigiami uqautjiutikhanganik timiqutigiayayunut, timiqutigiyangit, inuknullu piyuq ihuatqiayayumut havaat qanuqlu piyanginnik Uqauhiitigut Kamisinaup ihumagiayayuq ihuatqiayayuq angirutigiyuq nunavunmmi ilitariayayut uqauhiit maligait.
- Uqauhiitigut Kamisinaup kiuyakhaa tuniyukhaq nakuuyunik ikayuutikhat ukununnga Inuit Uqausinginnik Taiguusiliuqtuit (Inuktitut/Inuinnaqtun Piyunnautingit) ikayuriami naunaiyaqhimagayut nakuuyuniklu piyangit pilaarutingit ukunanikluuniit qanuqtut havaariyaanik havaangananik Piyunnautinganit.
- Uqauhiitigut Kamisinaup kiuyakhaa tunigiami unalu/unaluuniit piliuqtukhat maliktakhat pitqutigivlugu Inuktitut/Inuinnaqtun ihumaliurutingit piliurhimayut timiqutigiayayunit nunavunmit timiqutigiyauungittut.

IV. MANIKHAT

Tamna Atan'nguyanit Havaanginnullu Katimayiit uumanit Maligaliurvinga angiqpagait akiliuhianga manikhangillu tamaita inmikuuqtut havaktiuyut Maligaliurvikmi. Tamna Atan'nguyanit Havaanginnullu Katimayiit angiqtaa atuqtamiknik ihariagiayayuq Uqauhiitigut Kamisinaup katimaqatigiyakhaa Katimayiingit atauhiqmi ukumi tunigiami Havakviup pitquyauhimayut manikhat unalu havaatigut havaakhangit tikiliqtup maniliurninnganut ukiunga. Qakunnguraangat, Atan'nguyanit Havaanginnullu Katimayiit ihumaalutigiyauquiaqtaa piyuq aulapkaitjuttinginnik havakviuyut inmikkuuqtut havaktiuyut pitqutigiquplugu tahamunnga kiinauyaliqinirmut munariyut, kaantraliqiniq niuviqniqmullu.

Uqauhiitigut Kamisinaup kiuyakhaa munarininnganut uumanit manikhat angiqtauuyut atauhiqmi ukumi Maligaliurvikmit aulapkaitjutinnganut havakviup.

2024-2025 Ukumi Manikhat

Akiliqtakhat Ikayuutingillu:	\$984,000
Aatlat Aulatjutauuyut Maniit Munariniillu:	<u>\$306,000</u>
ATAUTTIMUT:	\$1,290,000

Havaktittiniq

Titigakviit Ukautit Kamisinatkuni ublumi havaktikaktut 6nik havaktinik (FTE) inikhainik:

1. Aulapkaiyiuyuq Ihumaliurhimayuq Parnaiyainiq Maligaliqinirmullu
2. Kavamaliqinirmut Tuhaqtitti Havaktinga
3. Kavamatkunni Havaanut Ataniq
4. Ihivriuqtiiyuq/Qauyihaiyiuyuq (Inuit Uqauhinginnut)
5. Ihivriuqtiiyuq/Qauyihaiyiuyuq (Uiviitut Uqauhinginnut)
6. Atan'nguyap Titiraqtinga

Havaktiit Havavikmit uumani Uqauhitigut Kamisinauyuq ihumagiayayut ilauyunik uumani Kavamatkunni Havaktut uumani qanuriliurutinnganik uumani *Kavamatkunni Havaktut Maligaq* Havaktingit pipkailimaattut ilaugiamiknik uqaqatigiikniqmut naunairhimayuq uumani *Kavamatkunni Havaktut Maligaq*

Titiraqhimayumi nutaaq *Ilitariyauyut Uqauhiit Maliganga*, Uqauhitigut Kamisinaup ilauttaaqtuq pihimaluniluuniit havaangit maliktakhanginnik, ayuittiaqhimayut atlat inuit Uqauhiitigut Kamisinaup ihumagiyaat piyakhangit.

V. AYUITTIARNIQMUT PILIUQNIQ TIMIQUITIGIYANGILLU

Uqauhiitigut Kamisinaup Nunavunmut pihimaniaqtaik akhuraaluk hakugiktumik timiquityangillu havaqatigiinginnut havaktut ukunani:

- Kanatami Kamisinauiyuq Ilitariyauyut uqauhiinut;
- Uqauhiitigut Kamisinaup Nunatsiamit; unalu
- Kamisinauyuq Ilitariyauyut uqauhiit New Brunswick-mut.

Uqauhiitigut Kamisinaup pihimaniaqtaalu akhuraaluk hakugiktumik pipkaitjutigiayuq Katimavinga Kanatamiutat Ihivriuqtiiyuq Ihuigiyauyunik (www.ombudsmanforum.ca).

Uqauhiitigut Kamisinaup ihumagiayayuq havaariyakhaa inmikkut taiguaqniqmik pigiami nutaanik ihuaqtunut taiguaqni uumani ilitariyauyut uqauhiit maligaitaatjikutauyuniklu piyut.

VI. QANURAALUKTUT QANURITAAKHAANIKLU

Uqauhiitigut Kamisinaup tikkuaqtauyuq Kamisinauyumit Nunavunmut pitquativlugu uumani Maligaliurvinga hitamanik ukiunik havaktukhaq.

Uqauhiitigut Kamisinaup havaariyakhaa nakuuyumik. Uqauhiitigut Kamisinaup kavamatkunni havangittuq qanuriliurninnga uumani *Kavamatkunni Havaktut Maligaq*

Haffumani *Ilitariyauyut Uqauhiit Maligangani*, Atan'nguyanit Havaanginnullu Katimayiit tikkuaqtaaqtuq Uqauhiitigut Kamisinaullaktukhamik Havakvinga inuitpat unalu Maligaliurvinga havaktukhamik tikkuangitpat. Haffumani *Ilitariyauyut Uqauhiit Maligangani*, Uqauhiitigut Kamisinaup havaariyakhaat nutqarvikhangat tikitpat tikkuaqtauffaarumiluuniit, akimayuqaqqalluunit tikkuaqtauyuq.

Naunaiyarhimayut qanuraaluktut qanuritaakhaaniklu uumani Uqauhitigut Kamisinauyup tikkuaqtauninnga akiliuhiaikhanganu naunaiyaqhimaayuq Naunairvik Ami.

Titigakvinga Ukauhiligiit Kamisinaup Iqalumi, Nunavumiiniaktok.

VII. AYUITAMIKNIK

Piyakhangit havaamut ihariagiayuq ayuirhimayakhaa piyuqlu ungahiktumut hapkuat piyayut ilihainiqmut ayuitamiknik. Unalu ilihaitjutiyangit ayuittiarhimayumiklu nalunaikutaqarniq ihariagiayuq havaamut, Uqauhiitigut Kamisinaup piqaqtukhaq pittaqaqtamiknik iliuraigiami ihuaqtumik, mihigiyanganik piyukhaq havaarigiamikni umunnga havaamut, pitillugu nakuuyumik ilumuuriyamiknik naunaiqlugulu ihuaqtumik piluni, iquhimaittumik qilangaangittumiklu. Ayuitlunilu uqauhini akhururatauyuq.

Uqauhiitigut Kamisinaup kangirhimayukhaqlu uumani maligatigut and kavamaliqinirmut piyut umunnga havaakhangit pittaqaqtukhaqlu havagiami nakuuyunik ihuaqtuq Nanminiriayamik Havaktiuyuq uumani Nunavunmi Maligaliurvinga.

1. Ayuitakhangit Nalunaikutaqarninngalu

- Iligarutingit Iniqtiqhimayakhangit ilitariyauyumit Iligarvikuamit pihimayukhaq.

- Ilihariaryuumivikmit iliharhimayukhaq (iliharutimiknit iniqtirhimayukhaq unalu/unaluuniit Iniqhimayutd ilihaitjutimut havaakhaa) pihimayukhaq.

2. Ilihimayukhaq Ayuitaminiklu

- Ilihimayukhaq uumani Kanatamiutat Aatuvaami Maligaliurvikuangaary aturninngit kavamatkut, unalu atlatqiittut pipkaitjutingit Nunavuutim ikayuutaunngittuq, angiruti himayumik piyukhaq;
- Ilihimayukhaq kanatami qanuriliuringit piyut uumunnga ilitariayuyut uqauhiit maligait;
- Ilihimayukhaq titiqqiqinirmut maligaq, unalu pipkaitjutinngit ihuarniqmut havaktilluni ihivriuqninnginnik;
- Naunaiqhimayuq ayuitamiknik havaktuq ihivriuqninnginnik unalu uqautigiyamiknik; unalu
- Naunaiqhimayuq ayuitamiknik ikayuqtiuyuq uqauhimut pilaarutinginnik.

3. Ayuirhimayakhaa Havainnariaqtangillu

- Uqayuktuq Inuit Uqauhimiknik (Inuktitut uuminngaluuniit Inuinnaqtun) Qablunaatitut uuminngaluuniit Uiviititut ihariagiayuq;
- Akhuraaluk hakugiktumik ayurhautigiyamiknik-ihuarhainiq - ayuirhimayakhaa, naunaiqhimayumiklu pittaarninnga havaamut ihuaqtumik nakuuyumiklu ihivriuqninngit;
- Akhuraaluk hakugiktumik ihivriuqniq, titiraqniq, ihumaliurniqlu, ayuirhimayakhaa;
- Akhuraaluk hakugiktumik ayuirhimayakhaa uumani manikhat pivallianiq munariniqmut;
- Akhuraaluk hakugiktumik hivuliqtiniqmut ayuirhimayakhaa; unalu
- Akhuraaluk hakugiktumik ayuirhimayakhaa havaktuliqiyikkunni munarininngani.